



PL 2677 L8 1722 V.3



非

唐陸宣公集卷第

後學雙峰年羹竟重訂

制

门苦除授

耽東都留守制

太倉張泰基 太倉張泰 同校

不寧汝墳屬警增置軍府作藩王畿職任旣分威望 光禄大夫守工部尚書魏國公賈耽豁達貞方識通 豐明九域山川之要究五方風俗之宜恒因 重思有總制一其典刑爰資信臣往义東夏銀青 洛舊都時巡久曠命以居守便之保緩間者准甸 書省事散官熟封如 憂寄實惟其人董制軍師安集疲察統樂都邑提持 便懷羊枯之德敵不敢侵自誠而明在久爾著分我 吃量な 都 網懋的厥猷無替朕命可守本官兼御史大夫充 施教化所益之郡靄其休聲院李廣之風人皆自 留守東都畿汝州都防禦觀察等使判東都 身 光ブ 故

周 淹通蘊經遠之沉謀宣適時之利用寬而不 庸期復 夫行尚書吏部侍郎上柱國安平縣公崔縱素 專樂備之權 遠代濟忠貞慶之所鍾繼有才哲氣質淳茂識度 行式是東夏擢居春官之長且兼副相之雄 周 非純德不能保綏周爰咨詢 守之重固難其人近歲 以兹公方多歷要重小大之 崔 縱東都留守制 構 可檢校禮 地廣務殷一皆咨稟非 部尚書兼御史大夫充東 以來益又繁綜領康察 公 務必聞休 論有屬銀青光禄 利 用 一般簡 聲 罔 懋 輟 VX 昭 風 通

樂觀察處置使散官熟封如故都留守判東都尚書省充東都畿汝唐鄧等州都防

號 綱 兵馬都 不違仁察其內恕外温 體 令總持紀 持節 成功庶乎知子之明授 人立極所務於勝殘東律成師寔先於謀帥申 同三司舒王謨性稟忠厚訓 以濟事 至公者無避於內舉爰擇蕃翰俾掌元我開 充荆 王荆襄江 元帥餘 非愈屬 襄 綱 弘 如 江 故 西 九合之功決百勝之略 西 不 道兵馬都元帥制 沔鄂等道節度使及諸 可以臨人集大熟者必舉 仍 必能 賜 名 以真師 誼 安人 知 改封普王嗚呼 和衆體方識 禮樂居常樂善 之律 **BANKE** 可楊 非慎 州 軍 於 敏 都 醬 明

蒼生代受亭育醉之於福壽煦之以仁和源廣流 道猶淺燭理未明文闕於化成武之於定亂刑賞失 於天則舉事必酌於人謀期合大中罔循私 度恭寅畏歲五周星循列聖之耿光稽上古之謨 慶深祚遠曆數有嗣續于朕躬兢兢業業懼不負荷 誼其敬聽朕命我國家之有天下百七十載于兹 門は上人作人 亂常悖違君 宗垂 物失所是用或心萬方有罪每懷各己懸法皆 乖方厚澤未均大信未著致使免馬熾禍 化 絡統功德繼茂威加殊俗惠洽普天海 親蔑棄天地盜據我都邑痛毒我十 ええ 欲 而

関赤子之非辜為人父母寧忘愧悼賴三事大夫竭 庶驅脅丁壯暴骸於原野攘奪羸老轉死於溝壑忠 誠 結蒼是朕所以中宵屢與終食三歎哀着生之無 良質命義烈街冤迫以免殘莫由自奮憤深骨髓 功宜有統壹允副兹選往哉汝皆無以貴驕人 自伐 於內羣帥爪牙宣力於外交修不遠日冀康寧 早躬降志以奉賓傳絕甘分少以無軍 上游建統制寇亘千里之地連十萬之師保大 無縱已之然無佛衆之謨從諫如流改 心明賞罰以盡士力詰姦誅暴懋的 White The Park 師 布 過 無 誠

		月二十六日	事恤人無替朕命膺兹重任可不勉欺建中四年九

於是有舞干之義諭以遷善於是有文告之辭若 同 難 不悛乃用致討與我動衆豈得已哉李懷光捏 遇 養寇資亂蓄新幸災朕素 古 地殊位君臣異制苟不率道兹謂亂常退而增修 委之節制或有勤績累加龍榮總衆駿奔自遠赴 胎 解圍逐寇朕甚德之位極上台寄崇總帥 體信之無間言朕於斯人 坦然如 顛覆有 馬燧渾城副元帥 初 功自棄無罪 凶跡旣盈 招討河中 醜踪彌露謀危社 自 所推誠猶謂非實優容 亦已厚矣而器小任 疑崇信讒邪 脅逐 稷通結 親之若 將 自 軍 帥 重 任

董我 軍 庶知感朔方將士忠節不渝懷光既沮姦謀詭稱 事兼太原 遂殺辱使臣完聚守保將以悖慢之罪加於忠義之 不容人臣所共棄討除大熟招輯非辜爰咨輔臣以 順累陳款疏請詣闕庭朕深惟舊熟務欲全貸授 )梁違遠陵寢大懼失墜為列聖羞賴先澤在人 保之任轉其井賦之食璽書勞問誓以終始懷 公相往來無復忌畏窮極光悖所不忍言朕播 因兹脅從冀與同惡謂衆可罔謂天可欺覆載 として 寄銀青光禄大夫檢校司空同中書門下平章 尹北都留守充河東保寧軍節度使北平 え、 効 遷

庶績允詣威聲所臨郡邑皆復殿于北土隱若長 軍行營節度兵馬副元帥上柱國樓煩郡王渾瑊 督靈鹽豐夏等州節度使管內度支營田觀察處 才常持至公深識大體感激而三軍有勇彌綸 勲閥 蕃部落等使充朔方が寧振武等道奉天永平 天定難功臣開府儀同三司行侍中兼靈州 沉詳臨危益 積中仁厚成性布寬大以容衆著誠信 王馬燧操業端亮器宇宏達 出 納朕命 辨 節惟貞固在險逾彰弘濟艱 光曆具瞻並文武全材安危注 東難奪之節負不羈 以撫 城 事 而

其敬 營 置等節度使仍充河中終 奉誠軍及晉隰磁等州節度管内諸軍行營兵馬副 吃官之有 灼 明 副我憂屬時惟二臣比德協謀往清多難燧可兼充 帥餘並如故城 又以 兵馬副元帥功臣散官熟封 順 失於君道連 罪 敷 图 朕 有不赦 朔土之衆代著忠勞横遭污脅深所憫惜 列 命明論朕懷務於招級非黷威武 爵懸賞用俟勲賢布告遠邇咸含知悉 惟 福未息勞師靡居中心自咎鬱若焚 執道 可兼 老 河中尹充 拒命罰 州同陝號等管内諸軍 如故嗚呼朕不敏 止元党寧失不 河中絳州觀察處 惟輸 經 誠 爾 無

周之元老以分陝為重漢之丞相以憂邊見稱故方 受廣 渭 策軍節度郡坊丹延等州觀察處置等使仍充京畿 上台作鎮西土奉天定難功臣司徒兼中書令充神 岳克寧疆場不聳安人保大致理之端今所以重 勵精剛之操體博大之德適時通變而大節不奪 駐孙軍於版蕩之中氣凌風雲誠動天 北廊 用樂從懷德畏威令行禁止誓羣的於危疑之 李晟鳳翔龍西節度兼涇原副元帥制 納而獨斷自明奉法以身推功以下衆無犯 州華州兵馬副元帥上柱國合川郡王李晟 地地 一鼓 而兇 煩 際

成時乃丕烈可兼鳳翔尹充鳳翔雕右節度營田 官兼官如故 察處置等使仍充鳳翔雕右涇原節度管内諸軍及 有光 稷 甲兵崇十連之元帥宣威耀武罷警息兵俾子 限界諸夷蕃屏王室所屬誠重付之元臣兼二將 「モノノイ丁 功格皇天而明識東尋清風激俗雅 北再駕而都邑廓清師皆如歸人不知戰再安 北庭行營兵馬副元帥改封西平 朕以汗隴近郊扶風右地川阜連亘抵 郡王功臣 尚恬曠 於 仰 撝 回

論道經邦允歸碩望建牙統衆必藉雄才中外具瞻 處置等使仍權知汴滑宋亳等州都統兵馬事懷德 兼宋州刺史充宣武軍節度營田宋亳穎等州觀察 尚書左僕射同中書門下平章事持節宋州諸軍 安危注意今以二柄付之元臣開府儀同三司檢校 丘驅大熟於梁野控引漕輓委輸京師予嘉乃 以長人純孝榮親盡忠事國分我閩寄殿于大藩 制淮夷保障楚甸我捷繼至軍聲再揚殪羣党於 王劉治秉志端亮的躬簡儉博厚足以容衆 劉治檢校司空充諸道兵馬都統制 和易 事

熟封如故 置等使仍充宋亳穎等州管内諸軍兵馬都統散 事依前宣武軍節度使度支營田宋亳等州觀察處 式是大任爾惟欽哉可檢校司空同中書門下平章 唐陸宣公集卷第八 懋乃貞節用錫不命俾揚洪休愛費三台紀綱奉 門旨之事 ノ夫ノ 帥

農戰兼務故雖縣內不可去兵況密圖寇虞干紀 難允屬動賢京畿渭北節度使兵部尚書行在左都 恩都邑郊甸騷然靡寧幸求信臣特建我號濟人 虞候渾城忠貞博厚温恭簡肅持重不撓好謀 王者之制安不忘危弘其道則文武齊致教其人則 唐陸宣公集卷第九 一語除授 渾城京畿金商節度使制 後學雙峰年羹堯重訂 太倉張泰基 同校 稔

風靖 旅 居業克敦其詩書受賜每陳於廊無能推誠而撫下 渭南金商節度觀察處置等使餘並如故 不伐已以拒人委任中外咸著聲續夷險一 賴焉王圻之內沃壤千里縣亘商嶺屏於南門觀 增嚴斥候無爽檢身齊衆同士伍之勞苦敦陣整 邦朕越在郊坰偏於光聽授之師律式是我的侍 壯行列之威容靜以伐謀動而制勝臨危勵節予 人詰禁誅暴俾爾兼領用乎于休可京畿渭北 貫隱然

開 革 無福磷行有枝葉 綏 淮 饒 州著清淨循良 殘 國 南方正議大夫行尚書刑部 車 男杜 自非 奥區 而 俗具五方地縣千里津 方興軍賦屢調體於寬大則事缺 杜 能 亞 剛柔 久為理敦教化之本立言參禮法 亞 淮 一方都會兼水陸漕乾之利有澤漁 識精體要學究宗源妙於 南節度使 適中文武 回 之稱其嚴重可以 翔 省闥表 兼備其何以 求良牧豈易其 彌綸 侍郎上柱 鎮俗其才術 獻 制制作 務於辨 納 用而 副我憂屬 國扶 之 有常 勤 之中 踐 風 集 縣 通 道

等使 賢爰輟名臣俾寧藩服往率厥職時惟欽哉可揚州 大都督府長史兼御史大夫充淮南節度觀察處置 以匡時休有令問輝映朝列朕以東南思义注意求

州 寬厚可以長人底級一方庶允憂屬可申光隨蔡等 帥 兹 里人靡寧息于兹有年朕其永懷慘若焚灼思得良 自 節度副大使管内觀察處置等使餘 導躬行不渝言皆副誠事必求當端慎可以鎮 開府儀同三司處王諒性本温恭生知忠孝祇 代子安人釋其危疑彰我信惠以親而授其在 夾輔王室賢戚並建時惟休哉長淮之西厥壤 昔哲王疆理天下必選其明德樹之宗親參制藩 王申光隨蔡等州節度使制 的排作 如 故



使 炳 尚 則 臨 俱 重 危 庸 但 然真 平 急 一件是 樂郡 使 亷 恱 病 唐 臣 風 朝 迴 鹛 而 12 選 統 臣 堅 攘 保 州 俗 王 唐朝 振 命 邊 刺 臨方岳 若 夷嘗 全 睡式 武 層 莫非 定 史 金 節 衝抗 難 臣當總偏 鹛 以寡 石 遇 坊丹 弛 度 勲 洎 功 論 賢開 則 張 臣 絕 師 而 免逆 惟 兼 開 敵 延等州 之 旋 道蓋 府 明 歸 府 衆 師 假 鹿 儀 竟殱 守 儀 旌 遘于 多難 按俗 旄 亦 節度觀 而能 同 同 坊 從 = 名 觀察使 三司 大熟克集 **智林斯**马 頒 司 制 宜 條 固 察處 檢 近 軍 仗 錐 檢 出 義 甸 校 校 旅 則 殊 置 兵 無 委 茂 有 率 慰 動 等 虚 部 衆 部 功

尚 熟績 艱難 E 論 純良輔之以才術俾居藩翰愈謂汝 功奉主忘身棄家從國越自郊 依前檢校兵 于國之巨鎮彼方我帥 靡不陪扈忠義所在生 兼 器質敦實識度寬敏通 惟 左金吾衛大將軍充右 明 銀鄜勝等州節度營田處置押兵蕃 其盡瘁 釋位勤王有赴難之節 部 難 尚書兼單于大都護御史大 以重 煩爰咨信 沈痼是嬰卧護邊軍 明吏職練達武經本 死以之久司禁我益 街使上柱 甸 打城 臣更践厥職 再踰巴梁險 詣 禦寇有持 國建康 朕 v) 北 朝 E 淹 阻 危 控

充郡坊丹延等都防禦觀察處置等使餘並如故惟明可依前檢校工部尚書兼鄜州刺史御史大夫 的幼虾



周 儉 軍 卿 持節 多難 惠 制 浙 進 軍 律 其 無 アノ 輔 荐 東 捷 潤 亦古之道 在 滉 恤 興注 匡時 州諸 翼 アス 西節 加 泉 檢 2 俗 檢 明 意 校 軍使 臣 足 度觀察等使韓 下强禦必 VX 於藩 也金紫 出 右 阜 脏女效歲發 外 兼 僕 作 同 康 岳就 體 射 潤 殿 朕 光 伯 制 州 繩 漢官以 東大 禄大夫檢 加 刺 勤 以大勞未人勤 命 邦 滉 史 I 御 之 節 忠肅 服 理 式龍 牧守之最 史大夫充 湖州大 平 師 アス 校 事 剛 訟 日 增贍 直清 君 吏 能 息 血印 部 朝 險 尚 擢 鎮 於 有 艱 國 則 公 黎 無 簡 勸

			如故	字于休可檢校尚書右僕射進封昌黎縣開國公餘	典昭升乃庸胙土以報勤懋官以旌德底人江甸永	防ビング

隱然北土實曰雄藩鎮撫之宜是資懿戚開府儀 部 滄景等州觀察處置等使 且 勤於服 司嘉王運氣本元淳重承先訓忠肅孝友寬仁惠 至公斯在欽率厥職永孚於休可横海軍節 從 土分疆設官治事因時設制 而建長沿革之道亦何常哉滄海之隅地饒俗阜 嘉王横海軍節度使 欲版圖旣溢則疏邑以制州統攝或乖 儒樂在為善施於事任必有可觀舉 熟封如故 期在理安必順物 物物七 則 宜 同



黄之地拔 勢窮竟就臭戮清我甸服時惟茂熟荆南節度觀察 列爵以旌德胙土以報 強房晝夜不息迨於三年謀 處置等便檢校戶部尚書 德間逢多虞蒲坂有叛亂之臣淮沂有借逆之 兼侍中馬燧聞難之初忠誠奮發躬帥士旅討 姓罹害四方靡寧奉誠軍節度兵馬元帥檢校 庭略地如歸攻城必克晉絳磁隰靡然向風元光 馬燧李皐實封制 安陸之城隱其威名保义江漢並著節于 功國有奉章是用褒勸朕 嗣曹王皐親率全軍抗於 成公藏 師出旨捷復斬 帥

可賜實封五百户通前七百户皐可賜實封三百户賦未加時庸之科無乃有闕宜其寵錫以答殊休燧國存功于人跡効炳然愈議收屬雖懋官已序而食 えナ

使晋 制 貨所資邦家大本總領之重必推元臣故 在 下平章 口 征 國 公吏 凋 輔金紫光禄大夫檢校尚書左僕 權 傷 用漢 **滉度支鹽鐵轉運** 轉 國 事 重輕之制 財產衰耗邊疆未靜役費尚多思欲均 公 無 餉 簽欺 以丞相 韓混音事先朝常 相 充鎮海軍浙江東 繼 成 財 國無 調軍食官給人足 とは続 功允集艱食用康介于 使 匱乏人不怨咨運等 羨自臨江 制 掌 西節 邦 甸 賦 度兼 的動動 謂之善 貞心 事 舉 射 江 周以 淮轉 風行 方 獨 同 經 佐 立 職 厚

			轉運等使餘如故	極材術宜其弘濟式副具瞻可充度支及諸道鹽鐵
--	--	--	---------	----------------------

副 周 器 諸 旋 令名 能 明 使 禄 兩 息 軍 李 禀粹 全 勵 洎 累 知節 事 叔 大夫守太子少傅 蹈 必 兼 明 節 更 終 惟 梓 右 存 任 度事管内度支觀察處置等 方 挺 不替 僕 岳 州 誠 遇 明 生鬱為 刺史 中外 服 哲 射 風 勞 俗 斯賢者之 制 致 澄清 御 所 邦 其 王 家行 史大 践 傑 檢 用 校 吏 必 虚懷朗暢達識 アノ 夫 匡 及三 服嚴 聞 極 尚 書 休 充 國 致 劒 敦乎道 紀 聲 明 而 制制料 右 行 南 當尹 僕 アス 使蘇 射 之實 兹 懷 東 持 德 京 盡 周 )]] アノ 惠 師 節 難 節 瘁 通 國 保 早 身 女效

皆發衷語且形泣視其激切良所 乞 **俾長庶寮罷方鎮之煩總中臺之重式彰尚德** 其舊德往淮 弱 所嬰扶疾趨朝披誠告老固陳衰察深戒 優賢可依前守太子少傅兼尚書右僕 固繼 獻章疏期於必從省之無然用增感歎雖 遐藩 而憫 以高年 難違怨志猶資 軫懷敦勸 射 既頻 满盈 情 辭 碩 EL

旣 節將沒 尚書 匪易慎終尤難其有志奉公家力輔 加門 明且 險 李澄天授將材勇而多智臨危不懼見義必為 周身不離於令名有臣 野 度滑鄭等州觀察處置等使開 處積勞 李澄贈司空制 艱熟節 哲 僕射兼滑州 而陳誠操尚堅明謀 保其身求之昔賢鮮克全備良以謀 兼著勤於廣業曾未追安带 成率霜露所侵消疾 刺史御史大夫上柱 如 斯可以 飲深遠憂國無忘於 攻中 府 儀 旌 王室見危而 勒 同 癰疽發外 故義成 甲 國 三司檢 武威 臨 戎 軍 顛 校 始 連 立 郡

漢 兹 飾 慮精深視之感傷當宁 良 官 門は上した 供 病巫不替忠誠憂國疚懷戀關流涕懼軍我之乏 帥 終是宜加等可贈司 念方鎮以為虞上表披陳懇求代免解情激 在疾獻謀比方於此不足多尚天胡不容奪我 惻 仍以澄讓表宣付史館以彰忠節 騎常侍歸崇敬 然嗟悼用切深衷始終存義澄實有之衰美 充使用祭所縁喪葬並準 與歎雖史魚之陳尸納諫吳 空賜物 五百段米粟三百 切備

勤 驗轉章而不味成從序用俾服官常可依前件云 迫 王激其污俗去逆効順固先典之收嘉懋賞勤功 回 以光威陷于寇境義不受污忠能奮誠履重險而 處疾風而逾勁忘驅伯義獻款投誠足以勵彼 除鄧州歸順官制 的数性



鄭 性 衣之德 武公父子繼為周司徒 亂東夏震 難 盧 同 沉 教體 羅 奪之節 淄青節 三司檢校 渤海 納 傅 檢校司空制 城 稱夾 騷 著 能 兩蕃等使隴西 度管内度支營 奮旅 尚書右僕 斷 危 輔 見善 艱 危 俘 祖 之熟我懷 征 必 厥 昭 坐籌 遷蘊 射 内居 渠 升令問茂建 帥 郡 田 同 股 觀察處置陸運海 斯 王李 非 德 制 常 書門 肱 功 勝 今 之オ 克 解 納宇量宏博 制性 下平 熟績屬 得 懋官賞宜 商 守以 良 丘 章事 翰詩 之難 弱 純 開 淮 質 府 攘 運

家之丕構敬慎厥德永乎于休可檢校司空同中書熟參論道之職俾爾嗣續光于前人荷國之龍章承 庸建上台宜賜真食惟乃先服勤勞王家以殿邦之 唐陸宣公集卷第九 下平章事仍賜實封五百户餘並如 故

唐陸宣公集卷第十 姑 務責人 制 其分亂於是生朕德薄化淺昧於君 爾某官某嗚呼王者所以無人失於 興元元年歲次甲子正月癸酉朔二日甲戌皇帝 所以奉上失於所奉則刑各當其理德用不擾 詰 賜李納王武俊等鐵券文 後學雙峰年羹堯重訂 問鐵 是以徴 勃券 書慰 師祖 征連歲靡息惟 金壇王 太倉張 所 道問知省 爾以誠志之 撫則 汝 驤 基 叛 同 校

實 意 嗣 朕 死 初 俯 于戰 亂 為 位 撫 は上ノくを丁 載 合 從 思 选 德 反 而 謀將茂 今 陣老 父 所 鼎桑名 兆 12 六 母 VX 載 滌 疾 何 於 保 得 厥 廢養 藏 爾 育 所奉 衷 安 咎 天 不 愢 羣 叶 將 俾 阻 疵 于 衆 府子 于心哉 瑕 廢其 悔 孤惸 與 生 與我 書 復 則 朕 禍 孫 懷 爾 何 朕 靡 生 日 方 萬 代 爵 若 晨 依 業雜於室家 結黨拒命豈 アス 覺 怨結 臻 應 方有 興 位 為 符 悟 rl 此 坦 蒼 然 朕 契 思 罪 爾 國 靡 是 亦 17 罪 非 生 感傷 用 惕 陷 在 阻 知 于 君 地 衆 朕 VL 河 順 合 悼 和 躬 臣 困 失 13 德 氣 窮 自 我 如

享國嗚呼其祗若命用保無疆之休願傳作無絕朕方布大信承天子人若食其言何以 WHE-




護波支惟爾乃祖乃父代服聲教勤勞王家熟書干 維貞元二年歲次丙寅八月丁已朔三日己未皇帝 萬里如近是用稽諸令典錫以券書若金之堅永代 鼎彝族列于藩籍爾克紹先祖之烈而重之以忠 左金吾衛大將軍自外置同正自兼武太常卿頓吸 無變子孫繼襲作我藩臣爾其欽承勿替休命 嗣 曰咨爾四鎮節度管內黃姓縣官驃騎大將軍行 守職官抵若朝化率其種落保我邊陲丹誠向 賜安西管內黃姓纛官鐵券文 的树生 貞



忘懷 蘊忠誠誓死不屈或早從征鎮白首軍中或生在我 我 衆晝夜勞苦不得休息歲時桿禦不解甲胄熟高 夏不安蕃戎無壓侵敗封略道路梗絕往來不通 戰義叶 行長身塞外克奉正朔堅保封疆接絕勢孤以寡敵 鎮北庭將士官吏僧道者壽百姓自禄山首亂中 士庶忽如異域控告無所歸還莫從朕未嘗 奉國之誠久而 慰 而事勢不及相即 問四鎮 心介然孤城獨守臣節日來月往三十餘 北庭將吏劫書 彌 勒求諸今古忠烈莫儔義激 興言較念忽以涕流卿等咸 物納到 百

倫 感傷已共西蕃定議兼 師 漢 道 吃世一人生 庶 名 香壽百 士庶告天地 今六年近 光史冊蠢動知感況於 等進發然後 隔在殊方歸路無因 難通於 思安兆庶以絕戰爭遂與赞普約定好和 助討姦兇兩國交權事同一 姓 西蕃 等並放歸 以賊臣朱此背恩驚犯宮闕對普又遣 神 老 既非便宜在國家又絕來往永 祗設擅會盟永息邊患疆場罷 地 立誓約應在彼將士官 漢界仍累 隸屬西蕃今故遣 親戚永訣為人父母實 朕懷朕嗣守洪業 體北庭去此遙 路 置 四 頓供擬發遣 吏 臨 警 所

此 攜 答忠勞如有資產已成不願歸此亦任 安宜勉良圖副我勤想夏熱卿等各平安好遣書 此之後當特甄升仍給田 卿 不多及 速圖進路復歸鄉井重見宗親生人之情莫重於 與西蕃交割卿等宜遞相慰勉叶 兼御史大夫沈房及中使韓朝彩等往彼宣諭仍 勞永逸固不合解鄉等誠節的宣熟閥茂著 園以贈生業必令優厚用 力同心互相 树州丘 便住各遂 指 所 到 提



戰 皇帝敬問 成嫌釁天不長惡尋已誅夷使我兄弟恩好 及踏本啜黑達干等至得 何 爭之患 慰弟天資雄傑智識通明親仁善鄰敦信 之以兄弟誠信至重情義至深頃因 同 況累代 日 回統 月 加 焉 可 弘禮讓之風保合犬 來繼 汗弟兩國和好積有歲年申之以 脫臨體天地之覆育其於廣被 朕之素懷與弟叶 敦 烟戚 與弟俱承先業 弟來書省覽久之良 和用寧區字 契為君之道本 例六 賊臣背 所宜遵 惟兹 明義 如舊 彼 務愛 恩 此 周 何

令圖自兹以還情契彌固垂之百代永遠無窮絕 緑諸軍兵馬收京破賊頻立功熟賞給數多府藏虚 頗 竭其馬價物且付十二萬匹至來年三月更發遣 門官と身 誠當同此意所附踏本啜奏請降公主烟不失舊 餘並續續支付弟宜悉也安西北庭使人入奏並 叶通規待弟表到即依所請宣示百寮擇日發遣 歸本道至彼宜差人送過令其速達弟所寄馬並 深愧厚意 想

京邑朕 據 於清水碑 勅 城闕 三至嚴 嗣位 區域雖殊覆育寧别贊普天資仁德好生惡殺 尚覽樂論莫陵悉繼等至省所陳奏朕具悉之 同心重修舊好會蕃漢將相告天地神 與大蕃親則舅甥義則鄰援息人繼好 賜 以宗 尚結費志惟嫉 至重大信一 君臨思安兆庶常以信讓為事不以爭競為 吐蕃將書 石審詳事 廟 社 稷悉在上都但平寇我豈惜訓 立義無改移所請奉天盟書勒 理頗甚乖 惡義在救災頻 違往歲賊臣稱兵竊 1 獻表章請 祇約誓 固是常 與 國 收 規

遂 當 約 然 臣 豈合更論朕 で生な場 非 垂 與卿 蕃兵馬便自 許四鎮之地以答收京之功旋屬炎蒸又多疾疫 所論先許每年 百代之名豈顧一時之利 由東斯天罔神莫大於此凡曰通好貴於推誠 為收京然於舅甥之情此乃甚為小事二國 辨 疑惑儻有他見宜具奏聞審細研窮 詳議卿是大蕃輔佐必當智識通明事 明便成姑息親鄰之義豈所宜然故遣 欲苟徇彼情便令鐫刻則是非務實信 抽 與對普絲絹一萬匹段 歸既未至京有乖始望奉天盟 老十 但 以事之去就 者本來立 須定是 須 歸 理 使 約 將

和想 求 思令圖 好 領將 即 使 多少之間豈拘定限 所商量指 羅等當總 卿 有约 同 之所重者信誠 同 士等 往書中 アノ 深體至公務存大義 副朕意今遣倉部 無蓋是常 師 定 朕 此有所須彼當不怯彼 意有 此使 先許 徒遠來赴難 與 却 所 不盡並令趙幸 理對普若 輕者 假使踰於萬 賜 回 即 物 郎中 安人 發遣往 財 功 雖未 萬 利 須繒帛 保 兼 思與 匹 侍 今各 有 段 就義則可嘉 境垂美 匹 口宣尚結費論 创数 亦當。 率土 並 御史趙 朕 所 要此 賜 即 卿 無窮 排比 同臻 稱彼 隨 聿 要 固 與 其

F		)	72. 1723				
And the second s			,			至宜領之	医室之生
							える
		,					
	•						ア

漁 慰昨者邊軍 信義聲著積遠近流傳比 勅 先有定分贊普素敦仁義卿又特禀純誠背約侵 尚結費卿天資材術 恐成交惡初疑界首遊奕少有乖宜不謂大發 沙 無此 國所定和好首末是 加侵軼 自嗣膺實位 賜吐蕃宰相尚結費書 理但 興 狀奏彼國兵馬踰越封疆朕 兵 勅邊城自備不令輒動干戈若使 動衆必合有名蕃軍此行未測 與赞普通和 作輔大蕃識通古今志奉忠 聞 卿 商量得卿却來深 入典樞衡近知還總我 敦 以舅甥結為鄰 以畫界立 効 師

知 於境上建立擅揚契約至明誓詞至重告于皇 患今豈不存大信遂棄令名故專遣使見卿 事 諸佛 聞被審使同來至今獨在道路卿 懲戰爭之弊知禮讓之風彼此大同務安求庶 移信使交權歲時無絕碑文具在 图 不行一言不守頃令趙聿 事由乃可商議既稱和 卿 便踰境界盟誓之語忽焉如遺天 百神有渝此盟殃及其國朕 智識明達朕所深知 好理絕 頃年猶舉 專往近方從被 敬奉誠約分毫 所論奏朕 可以明徵豈 相疑未合 地神 義 救 明 並 却 有 回

覽表中意旨續即商量報鄉鄉涉遠而來當甚勞頓 審知來意許聞還奏以副所懷趙幸及蕃使合到待 問 賜卿某物至宜領之秋冷卿比平安好将士並存 做对



即 趙 知 和 蹂践禾苗邊境之人大遭驅掠在 審察書中之意蓋求 既言通好理絕 頃 語忽焉 非 好之道旣虧仁義之 稱 及論拱 年 遠謀卿 和好及親事跡唯 賜 猶發義師救此災患今豈不存大信遂 尚結費第二書 如遺天 熱等 之用心 相疑未合輕舉甲兵便踰境界盟 地神 至得 何乃至是國家利害計 四鎮北庭如 風 務侵凌矛盾若斯将 卿表奏具見懇誠省覽言辭 祗豈其可問 何在 卿智識明 此 此事宜足 物社 未 又 聞 為深損 悟朕 放 得商 縱 須 何 棄 公於彼 兵 取 誓 馬 議

同 故遣使 彼 事並有商 和 宣之相 可 不欲先違 表 雖未說實情此亦略為準 即 卿 收 直心信 斂兵車速歸本界所掠百姓一 見鄉欲得審知來意必若守其盟誓務 以此勤 量交歡 老十 卿來奏續即遣使與論拱 勤合有 必令得所或密懷 相問付聞來奏 擬但緣 誓約本 他意將 切 熱 アス 放 副 重 欲 同 回 然 别

勅 懷 輔 結 具 違 由 此 悉之 數 亦貴 鄰 尚 明 大 因 YX 事昔 國 結對藩使 賜 略 接 卿 何 誠 尚 通 歎 賢 马山 至 歡 結對第三書 宣 賢 意 尚 和 此 明 良 透 勤 所 外 朕 初 頃 覽其言實嘉德 勤 論 タタタ 圖 難 アス 年 所 彰 志 拱 然 施 非 所定 信重棄 熱等與 敦 禮 美 卿 アス 費 讓 材 利 和 和 義踰 於 越 2 好言 普來書務 好 等 趙 當時傳盛 風 聿 倫 内 約 義 アノ 約 識 成 同 計 アス 頗 及 舅 於叶 通 觀 息戰爭 到 謂 必 制於 不 今古豈 甥 卿 其 名 分 於 所 事 睦 之義 然 明 陳 2 未 頗 郷 至 患兼 朽 能 訝 如 測 朕 所 王 アス 事 乖 四

義 鎮 露 明 功 附当公倉 其誠 旋 與師請 發 稱 固 大蕃必若 北庭元不 事 屬炎蒸蕃軍便 欲 師徒務張威勢蕃便猶未至此蕃軍早已越疆 無疑惑凡言結 12 此 赴 收京邑遂 要四鎮 勝負 何取 亦自有分義豈 割與蕃國及朱 朝或云更定言誓既虧盟約且失 固 信 港 許四鎮 有定 夫人君 北庭之地 好所貴和 退奉天之約豈 假 沘 强 立 ナヒ 庭之 國必 曲徵前事廣起異端 同通 悖 即 弱 寧由 合直 逆 地 作 不 體商量 可更論 カ 徒然 亂上 以情言彼 將以報答成 爭卿 一都 有 事 惟 禮 漢 何 甚 卿 仗

意 就 殊 何 武永安兆庶 水會盟之日 可 2 所 道 理不 相 悉未知來意竟擬 縱成何益 據有藝 間 為 侵 理 和 以威相脅謂天地可 並 固宜有 必更論 好者禮義之事甲兵者爭奪之由二端 移 用今欲以用 卿 卿 垂法子孫 非 禮遣使來往足得商量 識 獨 又 和好償欲守其前約 見通 見 親發誓辭 消 如 何且首末論 敏器宇沉 兵之勢定和 於 天 下 四 周謂盟誓可 稱嗟 方 將 亦將 期去殺 詳 以為盛美未 和是 好之辭事 如 取笑于千 湖北 張皇 敦 好生 此 事宜 渝 YX 卿商議清 師 親 即 修 鄰 徒 不言 必 懸 是 偃 數

宜 遣某官與仰更審等量卿若必務同 随宣公集 唐陸宣公集卷第十 惟 推議 便歸本界遣使具述本情所 思度甚欲通和彼雖小以侵陵朕亦未即交惡故 物深表遠誠今賜卿某物至可領 不盡並令某官某口宣宜令速回許望來奏所 利是視亦識彼懷和與不和 如或託稱繼好志在別圖依前縱兵不即 老一 須四鎮北庭朕當 於兹決定書中 和 也秋冷比 更無他意 即 自 歸

党黨攻逼襄城鄉識古知今合有良策宜具陳 内侍朱冀寧奉宣進旨縁兩河寇賊未平殄又 居陸宣公集卷第十 奏草 進者臣質性凡鈍聞見陋狹幸因乏使簪組 能忘身但以 承過恩文學入侍每自奮勵思酬獎遇感激 論 後學雙峰年羹克重訂 兩河及淮西利害狀 越職干議典制所禁未信而言聖 太倉張泰 金壇王汝 藤 淮 利 同 校 至 西

瞻是乃偷合苟容之徒非有扶危救亂之意此愚臣 日日 開懷訪納之時無昔人逆鱗顛沛之患儻又上探微 裾 也 慮匪 斷執者皆以進議見拒怨誠激忠遂至發憤踰禮 詢獨養此堯舜捨已從人好問而好察邇言之 縱 雖懷憂言不 臣每讀前史見開說納忠之士乃有泣血碎首 尚是以循 能自止故也況今勢有危迫事有機宜當聖 聖德神授英謀明照八表 **悦聞傍懼貴臣將為沮議首尾憂畏前後** 循默默尸居禁近日日以 敢發此臣之 ラ 罪也 思周萬務猶慮關 亦臣之分也陛 愢 自春祖 意 顧 牽 漏 秋

臣 循省 **蘊忠憤** 所痛 學古 之職 里 良者 稷 而 可 公集 辯成 備處之豈直微臣獨荷容納 兵法是 之福 也寫誠無隱臣 切 固 也每言行軍 願 兹 黙 敗可 也 得此道 於旣 知兵法 披陳職 臣本書生不習我事竊惟 鄭 陳 知 往 也臣 古 狂 是以 居禁聞當備 想 者 之忠也謹具件如後 用 所 無他 師 之道 不逮 以尅敵之 以坐籌樽 忍復 見其情 顧方略 古 躬行於當 顧 之思實億兆 的一 問 要在乎将 俎 而通其變 而 承 煩窺 之間 何 霍去病 惟 問 如 耳 明 世 其 制 對 漢 也 意 勝 則

逆 蒼黄失 其 非 足 願 興 同 費財 凶人 何當 恃 取將之方 為 將 帝稱 操 圖 惡 失其 岩 為 不由 翫 而 寇 著人 王者 掐 E 不 用 攜 得 尚 於 與 在 2 柄 平標 獎亦 誰 也況 無 者 恐 此 止 VX 將雖 亦 其 法 今 將 其餘 得 悔 懷 未 中 兩 有 同 其柄 或 不 將 材 禍 必皆是 河 衆蓋 戢 有 有傍遭註誤 淮 不 アス 誠 將非其 能 西 自 為 處心積 為叛 焚之 使兵 用兵 使 並脅從若 難 來 者 亂 災 國 馴 内蓄 者 慮果 之帥 臣 必 自 足 不 安 昔 能 恃 兵 知 者 危 颙 其 安 全 為 禍 與 雖 亂 獨 衆

俱禀泉縣之性 壹君臣 庸流關茸下品其志好不過聲色財貨之樂其材 者必過半矣舞干苗格豈獨虚言假使四五光 過 安之伍非有姦雄特異之資以陛下英神 謀其御衆使 别夫號呼道 於 跳蹄距頭之能其約從締交則选相侮詐以 舟車徵卒 之衆寡 之勢 不類逆順之 不敵然尚曠歲持久 其下 路 始窮於閩濮笞肉 村軸 則例質妻學以為術數 同惡復有十百相 已空與發已彈 理不侔 師老費財加算 捶骨呻 形勢之大 图约: 從是皆卒 而 將帥 斯乃盗 吟 か 志 里 閣 期 竊 渠 倫 送

其明徵 颙 恃操失其柄者將雖村不為用今以陛下効其明 過為臆度興肆討論以為尅敵之要在乎將得 理 齊送為唇齒陛下特部馬燧委之專征抱真李芃聲 財不足兵不多此微臣所以千慮百思而不 謂臣此 納復為陛下察其事乎臣愚無知實所深惑遂 將之方在乎操得其柄將非其人者兵雖衆不 也未審陛下嘗徵其說察其由乎股 畏威雖萬無此虞然亦不可不試省察 以實前說田悦唱亂之始氣盛力全恒趙 說蓋虚體耳不足徵馬臣請復為陛下 胜之臣 也陛 悟 其 目

勝捷 乘勝 資 兹 惡幸 誠 而 也 勢相接于時士吏畏法將帥感恩俱蘊勝殘盡 則 未有爭功邀利之釁故能累摧堅陣深抵窮巢元 再稳竟不交鋒量兵力則前者寡 田 度攻 將 軍 前者薄而 恍 脫 得其 於停 旣敗 遂駐遺孽復安其後 氣躡亡虜傷夷之餘比於前 具則前者草 力屈勢窮且皆離心莫有固志乗我 囚 今者厚論氣勢則前者新 取將之方在乎操得其柄 免徒幾盡於鋒 創而今者繕完計光黨則前 魄運 刃臣 日 增 故日 而今者多議 功難易百 附归 師 対敵 此其 集 徒 日益 而 今者 倍 明 敵 軍 師 要 旣

傷則 者盛 趣 因時變 熟察 今 無終 前後易方順理之常必不 兵雖 必然之効但未審今兹事實得 枝幹 而今者殘揣敵情則前者銳而今者 13 事 而吸 泉不足恃操失其 興三年 目 前 顛 也兵者財之蠹 與理乖 率 之虞或與意外之患人者 救之耳固不在益 可謂 而根 當易 老 抵壓拔矣惟陛下重慎之 久矣稅及百物可謂 而 反難 柄者將雖 也 其心傷 如此 當進 兵以生事 無近 臣 村不 故 則其本傷 而 17 中止 邦 於此乎 日 將 繁矣性 之本 カロ 為 挫 本 賦 然 用 非 末 愍惜 在 其 也 此 而 Vス 其 勢 自 財 陛

兵法深 謂勞弊矣 儻或 遠 如 測 而 澄其 是 之道 沸 之宵衣旰食可 於 重 止之 アノ 切 20 源 兵 難 改 而 而寇 之誠 貴拙速 速 月勿 行 方 而 濁 也 制 vl 2 救 亂 方易 救 是 變之愈 往 於 姑 事 務持危 不尚 以勞心 有益剪滅 謂憂勤矣海 末 失 者莫若 明 於舉 則 著 也 救 巧 於 遲 揚 則當 2 2 毛 驗 無 服 速 所 改 湯 但 則 期 也 在 遠者莫若 校 為 行 内為之行齎居送 VX ) 夫投膠 止 垂 禍 陛 乃 而 沸 摇 下 患 機 禍 其 的五 然 失 遲 不寧事 不 2 之 則 修 如 所 自 アス 之 쬻 絶 生變 與 近 去 起 若 褻 濁 其 而 否 也 薪 其 修 攻 耳

餘 守 汴 其 然 門宣之場 多急 降 附進 決皆受 朝 也自 之緩 生無復遠略武俊蕃種有勇 之虞勢急而 意在 將 一 急臣 胡 者宜備 即 退追惑内 田悦 2 羯 而無之朝 調調 所 保勢無 稱亂首起薊門 禍 急 2 幽燕恒 誘陷遂 重緩 以嚴 え 外防虞所以 也 他 田 廷 者宜 窩 置 恱累經 今失於守禦不 魏 圖 河 猖 之寇勢緩而 中 圖 狂 朔 覆。 於度外 纔 2 出 與已來未暇芟湯 洪 無謀朱滔卒村 以計今失於 至魏 敗氣 河 師 事 殆 足 禍 郊 起 沮 勢贏偷 何 無 三十 禦 遽 輕 汝 名 アス 洛 衆 多疑 退 年 言 屯 歸 其

瞻遞 朔 都 軼 汾 忍 資意殊無狀 劫 沼 城或驚此 於傷殘果於 之患此 兵廣以攻 が靈之 騎 之 練 制 欲 壓其腹雖 急則合力 推倚 卒 臣所 也 則 悉此疆勁委之 士 臣 北 謂 曠歲 兵且未 自昔之精騎 所謂 吞噬據蔡許富全之地 臣 退 欲 所 幽 放肆、 燕 謂緩者 則背僧是皆苟且之 汝 不 - 如東窓 進 洛榮汴之虞勢急而 恒 亦 魏之 VX 山 何 宜 守 也上黨盟津之步卒當 寇勢緩 能 東勢分於將 圖 則 則轉輸將阻 為又此 數 2 rl 倍 制 益鄧 有 而 計 郡 徒 禍輕 餘 今失於 必 北 襄 禍 各 20 重 希 窺 無 懷 財 鹵 越 烈 屈 則 顧

成太多李勉以文吏之村當沒郊奔突之會哥舒 禦 敵 為繼接累動諸鎮務使協同春旨 恐本非素習令不適從奔鯨觸羅倉卒難制 門は上してを元 城 烏合之衆杆襄野豺狼之羣 是乃取 飛獨輓栗之勞無擾則禍亂不生息勞則物 因 不足陛下若察其緩急審其重輕使懷光帥 循 之圍李芃還鎮為東都之 莫前此 有餘 於變 臣所謂急者宜 救不足罷開右 えー 切亦 將 防患於未然徵發 賦車籍馬之擾 接汝洛旣 備之以嚴今失 陛下雖連發禁軍 殷憂人思自 固梁 首 宋 停 減 於 師 鼠 劾 應 曜 可 救 但

幾遣 前歲伐叛之初唯馬燈抱真李茂三帥 獨 兵公更生患此蓋好異不思之說耳臣請有以詰 備 亦計之次也議者若曰河朔羣盜尚未強夷儻又減 復請益師於是徵朔方全軍以赴之而懷光往 然而 師於是選神策銳率以繼之而李晟往矣猶 以戰必殭是則力非不足明矣泊遲留不進乃請 田 從實臣今兼朱滔武俊臣請再詰以塞其辭曩 加半之戏竟無分寸之功是則師不在衆又 固 可託 足得徐觀事勢更選良圖此於舒亂解紛 以為解者必曰王師 雖益賊黨亦增 附一 而已以攻必 日 明

矣留之則彼為冗食徒之則此得長城化危為安息 馬 假 滔 恱 H 2 燧 武俊三寇之兵今朱滔遁歸武俊退縮 從省舉一而兼數利惟陛下圖之謹 息危城設使我師悉歸彼亦纔能自守況留抱 又明矣曩以太原澤潞河陽三將之衆當田悅 知 喪敗寶臣強夷雖復朱滔武俊 田院實臣皆蓄銳養謀劇賊之方殭者也尋而 足得觀釁討除是則減 垂其後是則賊勢不滋於暴日王 兵東征勢必無患 加於前亦有孝 秦 師有溢 唯 此 於昔 又 田 明 田

恃威 也 端 臣 在審 有 也蓄威以昭 不易百 由 其或措置不異安危 頃覽載 門 論 與 關 柄 欁 德 其 九中 理 立 陛下 喪於 輕重德與威不可 王 事宜 同 籍每至理亂廢與之際 國 所 有 德 同夫 道罔不興與 身 錫 大權得之 偏 取 勇智 廢 君人之 敗之道 則 則 危 志期削 必 亂 殊 柄 居 偏 也 此時 同 在 殭失之必 失 廢 重 趣 平 重 也 明其德威立 YX 必 輕與 罔 2 馭 忽兹 則 變 反覆參考究 輕 輕 重 也 昏 弱 廢此 移 倒 是 至 諸 持則 迷 不 於 則 國 理 可 啓 悖 倒

奮 測 小人 馬臣是以疾心如 者若身之使臂臂之使指 聞國家之立也本大而末小是以能固又聞 憂危之端此臣之愚於自量而忠於事主之分也 於應機竭國以奉軍領中以資外倒持之勢今 而 伐海内震豐莫敢寧居此誠英主撥亂拯物不 人所謂愚夫言之而明主擇之惟陛下幸留 而不失者唯居重馭 用之然威武四加非謂蓄矣所可兢 以能使臂者身大於臂故也臂所以能使指 关 在不覺妄發輒踰顧問之 輕之權耳陛下又果於成務 則小大適稱 兢 而不悖 保惜 山山 聽焉 理 慎 深

萬方底人猶務我備不忘慮危列置府兵分隸禁衛 陵邑選四方壯勇實之邊城其賦役則輕近而重遠 也其惠化則悅近以來遠也太宗文皇帝既定大業 非 用 前代之制轉天下租稅委之京師徒郡縣豪傑處之 之本也其勢當令京邑如身王畿如臂四方如指 臂大於指故也王畿者四方之本也京邑者又王畿 敵關中則 凡諸府八百餘所而在關中者 獨為御諸夏而已抑又有鎮撫我狄之術焉是 即不悖處則不危斯乃居重馭輕天子之大權 居重馭輕之意明矣承平漸久武備浸 殆五百馬舉 他北 故 也

此豈不為之寒心哉尚賴宗社威靈先皇仁聖攘却 史萬端雖有四方之師寧救一朝之患陛下追想 外 居 虚深入為寇故先皇帝莫與為禦避之東遊是皆失 夷繼有外虞悉師東討邊備既弛禁戎亦空吐蕃 有糧故肅宗得以為資中復興運乾元之後大熟初 疆本之意則忘緑邊之備猶在加以諸牧有馬每 外 微雖府衛具存而卒乗罕習故禄山竊倒持之柄 侵則汗渭為戎於斯之時朝市離析事變可慮須 重馭輕之權忘深根固抵之慮內寇則脩函失險 重之資一舉滔天兩京不守尚賴經制頗存典 州 刑

振 考前代成敗近鑒國朝盛衰垂無疆之休建不拔 杆 禁衛漸修邊防是時關中有朔方涇原隴右三帥 業今則勢可危慮又甚於前伏惟聖謀已有成算 大做 未達敢獻所憂先皇帝還自陝郛懲艾往事稍 類再安宸居城邑具全宮廟無實此又非常之幸 古所未聞馬足以見天意之於皇家保祐深 能 西戎 盛 保固封守遏其奔衝京師戒嚴比比 將弘永圖陛下誠宜上副元心下察時變 士馬精疆又徵諸道戏 河東有太原全軍以控 兵每歲乗 北廣此四軍者皆 秋備塞 而 有陛 愚 鼘

嗣 育 於振武誘殺羣胡自爾已來絕無虜使其為嫌怨 阳言之情 膺實位威懾殊鄰蠢兹昆夷猶肆毒益舉國來 明徵借 縁馬喪兵疲務以計謀 吞唱深貪冒既深覆亡幾盡遂求通好少息交 尚有 馬漸蕃必假小事念爭因復大肆侵掠張光晟 山東神 結和所以歷年優柔竟未堅定要約息兵稍 邊同隙乘虚微犯事障此愚臣所竊 便 利可窺豈肯端然自守今朔方太原之衆 如吐蕃實和迴紀無憾我狄貪詐乃其常 策六軍之兵繼 相緩固非畏威懷德必 出關外儻有賊 臣 為夏者 陷 寇

歲為天下所患咸謂除之則可致昇平者李正已 為危事至戒至慎不敢輕用之者蓋為此也當勝 甚廣於事為無擾於人為不勞自不料兵連禍學變 其事愈謂有征無戰役不逾時計兵未甚多度費去 之間耳何可不畏而重之乎近事甚明足以為鑒往 也未審陛下其何以樂之側聞伐叛之初議者多易 寶臣梁崇義田悅是也往歲為國家所信咸謂任 反敗當安而倒危變亡而為存化小而成大在覆掌 難則日引月長漸乖始圖故前志以兵為凶器戰 可除禍亂者朱滔李希烈是也旣而正已死 此 李納 而

焉 苟危則舟中敵國也陛下豈可不追鑒往事惟 歲之所信者今則自叛矣而又難保是知立國之 攜然則往歲之所患者四去其三矣而患竟不衰 危在勢任事之濟否在人勢苟安則異類同心也勢 圖 自項將帥祖征久未盡敵若以藉口則請濟師 除害之意則已至矣其為宗社自重之計恐未至 汲汲極思勞神徇無已之求望難必之効其於 循偏廢之柄以靖人復倒持之權以固國而乃孜 之實臣死惟岳繼之崇義卒希烈叛惟岳戮朱滔 輟邊軍缺環衛虚内廢之馬竭武庫之 えーー 新 陛

豺狼或竊發郊畿端犯城關此亦愚臣所竊為憂者 設請權之科關輔之間徵發已甚宮苑之內備衛不 占將家之子以益師賦私養之畜以增騎猶且未戰 中主不行之事有虞於聖朝也惟陛下熟察之過防 備又安可勿言臣是以罄陳在愚無所諱避罔 為諱中主不行若備之已嚴則言亦何害價忽而未 戴非常之慮豈所宜言然居安備危哲王是務以言 則 全萬 未審陛下復何以備之以陛下聖德君臨率土於 日之財陛下又為之算室廬貨商賣傾司府之 將帥之中又如朱滔希烈或負固邊壘誘致 駐

營衛不殊車乘之在關中者與列於廢牧不殊財 當天下之半可以養力俟時也疆則外制東夏據域 蓋由憑山河之形勝宅田里之上腴弱則內保 中之大可以蓄威昭德也豪勇之在關中者與籍於 於是在焉秦當用之以傾諸侯漢當因之以定四海 之且今之關中即古者邦畿千里之地也王業根本 門に上した 之道乖求諸通方無適而可顧臣庸懦竊為陛 執事者先拔其本弃重取輕所謂倒持太阿授 在關中者與貯於祭藏不殊有急而須一朝 杨議制 置則疆幹弱枝之術反語綏懷則悅近 老一一 可 聚

をとういま 勢必退匈則所遣神策六軍士馬及點名節將子弟 籍李晟亦令旋旆完復禁軍明勃涇隴が寧但令嚴 備封守仍云更不徵發使知各保安居又降德音勞 東行應接者悉可追還河北既有馬燧抱真固亦無 架推酒抽貫貸商點名等諸如此類一切停罷則 体畿甸具言京輦之下百役 殿繁且又萬方會同, 朝敢效其狂鄙以備採擇之一端陛下 價俯照微 過聽愚計使李芃接東洛懷光救襄城希烈免徒 朝奏即勤懷遠理合優容其京城及畿縣所稅間 之往者不可追來者猶可補臣不勝懇懇憂國 图 諸

無從而作朝廷由是益尊然後可以度時宜施教令 已輸者頭怨見處者獲寧人心不搖邦本自固禍亂 弛張自我何有不從端本整梦無易於此謹奏 門信しる情 唐陸宣公集卷第十一 \*ガー

患者羣臣之罪也陛下又曰卿以君臣之禮不 初行幸之事因自对責解旨過深臣奏云陛下 過於朕故有此言然自古國家與衰皆有天命今遇 臣前日蒙恩召見陛下敘說涇原叛卒鶴犯宮闕及 唐陸宣公集卷第十二 奏草 躬誠堯舜至德之意臣竊有所見以為致今日之 論敘遷幸之由狀 後學雙峰年羹堯重訂 太倉張泰基 金壇王汝驤 引咎 忍

室資奉居者有鳃送之苦行者有鋒 自 罪 間 越 此 禮關會朝陛下神武統天將壹區字乃命將帥 激於衷不覺嗚咽旋屬游壞請對臣言未獲畢解 者非敢徒飾浮說為寬聖懷事皆有由言庶可 四方無遠不監父子訣别夫妻分離一人征行 不庭光渠稽誅逆將繼亂兵連禍結行及三年 胡羯稱亂遺患未除朝廷因循久務容養事多情 輕上煩以盡愚懸臣所謂致今日之患是羣臣 陛下遂言及宗桃涕泗交集主憂臣慎人理之常 厄運雖則是朕失德亦應事不由人未及對部之 刃之憂去留 徵 四

在写心味 令促限促限纔畢復命加徵 遣東征邊備空虚親軍寡弱尋又搜閱私牧以取 於笞種市井愁苦室家怨咨非庶嗷然而郡邑不寧 配 簿責將家以出兵凡有私牧者例元熟貴戚之門 關 矣邊極之成用保封疆禁衛之師以備巡警二者或 謂將家者皆統帥岳牧 纖碎吏不堪命人無聊生農桑廢於徵呼膏血 不足於是權算之科設率貸之法與禁防滋章 而問里不寧矣聚兵日衆供費日多常賦不充 則生我心國之大防莫重於此陛下急於靖難 之後是乃嘗蒙親委或者 加徵既彈又使別配 [在二 竭 條 馬 累

第侯王咸輸屋稅禪販夫婦畢算緡錢貴而不見優 乞假以給資裝有破產以營卒乗道路悽憫 勞復除征徭固有常典今忽奪其畜牧事其子孫有 傷責位崇勲孰不解體加以聚斂之法數下尤嚴即 矣陛下又以百度弛廢志期肅清持義以掩恩任 門に上る人生 以成理神 人而疑 而不見異其為憤感又甚諸方誅求轉繁庶類 與發無已奉 際未必然 似之間不容辯也察精 斷失於太速睿察傷於太精斷速則寡恕 也寡怒則重臣懼 情動搖朝野雖然而京邑關畿不寧 則多精於物 禍反側 學易 部曲感 而 臆

得聞 讀並與非常之虞億兆同慮惟陛下穆然凝邃獨不 多猜則羣下防嫌苟且之風漸扇是以叛亂繼 徒言欺聖旨又以家國興衰皆有天命今遇此厄運 難不能効其死所謂致今日之患是羣臣之罪者豈 都 應 任有諫諍之列有備衛之司見危不能竭其誠臨 乗我間隙因人攜離哉陛下有股肱之臣有耳 恒 無誰何之人自古禍變之與未有若斯之易豈 不涉其源流至於與衰大端則當聞諸典籍書 不由人者臣志性介劣學識庸淺凡是占算 八片縣 至使光卒鼓行白晝犯關重門無結草之樂環 影十二 作 秘 目

其侮此又捨人事 吉德二三動罔不凶惟吉凶不僭在人惟天降災 其德非於人事之外别有天命也故 視 祐之吉 德 我生不有命在天武王數約之罪曰吾有命罔 有以亡此 也人之所助者信也履信思乎順又以尚賢是 又曰天難忧命靡常常嚴德保殿 自我人視 无不 則天所視聽皆因於人天降災祥皆 利仲尼以為枯者助也天之所 天聽自我人聽又日德惟一 不利又曰危者安其位者也亡者保 而推天命必不可之理也易日 祖 位 伊責紂之 厥德靡常 動平 助者 罔 辭 懲 自

其 性ない 變 而不忘亡理 此 安危 存者 履考祥又曰吉 所名又曰人受天地之中以生所謂命也是以有 知 乃天命由人其義明矣春秋傳曰禍 化其於性命可謂 威儀禮義之則以定命能者養之以 取 帝儀 福禮 理亂之故必本於履行得失而吉凶之 也亂者有其理者 記引詩 而不忘亂是以身安而國家可保又日 監于殷駿命不易言得衆則得 凶者得失之象也夫易之為書 而釋之曰大雅云殷之未 研精及平論天人祐 也故君子安而不忘 阳 福 福 不能 無門 助之由 國 喪 報 唯 窮 師

頻 理 則 門信しる相が 未 刑 其 禍 而 於上是以事 則 失 天命降 詩書 得之不 自 2 國 網 福 有 有 由 朝 稍 也 列 密 可 也 又引書 人不言盛衰 已後史傳 六經 善 亂者未之有 物 疑 力竭 有得失而 達烝黎 者臣請復 則失之此 之 而 釋之 教 耗人心驚疑 相 承 旣 有命 47 也人 理 命有吉凶 日 アス 則 如 近 彼歷 族黨 亂 聖哲之意六經 康誥云惟命 蓋人事著於 事 事 廢與大略 證 代 亂 聚謀威憂 如 天 明 之自 居 而 D 人之 驗 天命 風 濤 頃 又 下 可 不手常言 會通 必有 降康 間 淘 記 征 如 而 洶 影 討 此 天 命 事 響 頗 尚

宗社 咎之 闢 無難 知敢慎也今生亂失守之事 不修也亂或資理者遭亂 天命伏惟陛下鑒既往之深失建將來之令圖 固非 聿修天祐自至恐不宜推引 誠沮惟新之望臣聞理或生亂亂或資理有 阽危刷億兆慎取在 之重而忘憂畏也多難 而失守有因多難 悉知算術皆曉占書則明致寇之由 涇原叛卒果如衆庶所虞京師之人動逾 卷什 而 而能 興 於審察時變博詢人 邦理或生亂者恃理 則既往不可復追矣 興 邦者涉庶事之艱 懼 厄 運謂為當然撓 也 五 無難失守者忽 未必盡 謀 追 拯 而 而 アノ

事則 斯 斯道夕誓之於心則可以感神明動天地 耳 沮 道馬遠檢伎而親忠直馬推至誠而去逆詐馬杜讒 資理與邦之業在陛下尅勵而謹修之當至危至難 録片善片能以盡羣材焉忘小瑕小怨俾無棄物焉 也惟陛下勤思焉熟計焉捨已以從衆焉違欲以導 機得其道則與失其道則廢其間不容復有所 道甚易知甚易行不勞神不苦力但在約之於心 之路廣諫諍之門焉婦求利之法務息人之術 又陛下天資睿哲有必致之具安得捨而不為哉 庶類懷萬方何憂乎亂人何畏乎厄軍 シスーニ 朝施之於 焉

盪滌袄気旋復宮闕 疑勿謂事不由人而自解勤勵 禍 原亂兵倉卒犯禁蓋上元保祐陛下恐陛下神 何患乎天下不寧昔太王 而王是乃因危難 下禀英姿承寶曆四海之利權由已列 苟能增修蔑有不濟至如東北羣孽在華逋誅 三 有輕天下之心使知艱難將永福祚耳伏願 至誠有所切解 以答天戒新聖化以承天休勿謂時 以 不覺煩伏惟陛 而恢盛業由僻小 而已愚臣不勝 以避狄而與周文以百 不息足 下不以人廢言 而闡 區區憂國奉 长 鍾 致昇平豈 聖之德澤 尼運 丕圖 武 悔 況陛 而 自 涇 前 果

					以言廢直千慮一得或有取焉謹奏
--	--	--	--	--	----------------

海 當 走 向 理亂 惡與天下 欲 宣 背之際人之 者 慎臣謂當今急務在於審察羣情若奉 朝 則 今所務何者最切具條録奏來者伏以 内震驚無論 之本 陛下先行之羣情之所甚惡者陛下先去之 昨 四方解體一事當則萬 日奉 天論奏當今所切務 繋於 同而 宣聖旨逆賊雖退猶未收城令臣審 天下 所 人心況乎當變 順逆賢愚必皆企竦觀聽 歸 不歸 則 植 者自古及今未之 人之所 狀 姓屬心動關 故 去 動摇之時在危 則 領陛下 陛下 初 情之所 安危不 有也 經大 可 言 思 欲 甚

誠當今之所急也然尚恐為之不易者蓋以朝 足慰來蘇之 日に上ノい作丁 業則征徭未罷業固未可安矣欲薄斂則郡縣 法苛陛下欲息兵則寇孽猶存兵固不可息矣 審察羣情 軍用令必不從矣欲去苛則行在素霽威嚴言 言者其感不深動人以行者其應必速蓋以言 王命未行施之空言人或不信何以言其然今 所欲者在息兵在安業天下之所惡者在 矣此皆勢有所未制意有所未從雖施 望而稽諸事實未符悔禍之誠且 同其欲惡使億兆歸趣以靖邦家乎此 於德 廷 動 斂 音 且

事 無思不服今陛下將欲平禍亂拯阽危恤然黎安反 惟 側 籍籍 關 郡 羣情四方則患於中外意乖百辟又患於君臣道 於下 新之言若猶不然未見其可頃者竊聞輿議頗究 已所難布誠以除人所病乃可以彰追咎之意 既未有息人之實又乏於施惠之資唯當違欲以 下香隔 而易發行達 宣公 國之志不達 能 無疑 於其際真偽雜 下情壅於上聞實事不必 阻 欲 於朝 其 而難成易發故有所未字難成故 可得乎 廷朝廷之誠不升於軒 物論則然 糅於其間聚怨 知 心可 知 事 調 陛上 顕騰 見蓋謂 必實 澤 陽 謗 副

淬 含 明示答悔 門官之有 何慮不 除 參之日陛下特加延 鋒潰疣決 惟 切 弘聽納是聖主之所難鬱抑 而天下歸 到即 而 陛下神 以嘉其意有諫諍無隱者願陛下叶成湯改 理 極者必賞導以盡其情識寡而辭 之意各使極言得失仍令一一 行而直為此懔懷也臣謂宜因文武奉官 引對不拘時限用表憂勤問公勤握疑 防注水耳可以崇德美可以濟 無滞用鑒必窮微愈其病 心則 港 此 義 接親與敘言備詢 也又當假之優禮悅以温 猜嫌是衆情之所 而易 禍亂之 面陳軍 其難 艱 拙者 難 由 如 病 亦 顔

要而似迁冀垂睿思反覆詳覺必或無足觀採捨棄 的德塞違恐不止當今所急也慮有愚而近道事 從義如轉圍進善如不及推廣此道足致和平其於 歌浹辰之間可使不變陛下備行之不狀用之得中 助聰明順天下之心以施教令則君臣同志何有 采録不遺庶士傳言聽 美褒其直而勿各其非有謀歌可用者願陛下 遥謹奏 禹拜言之誠獎其能而亟行其策至於匹夫片善 遠邇歸心孰與為亂化疑梗為訴合易怨誇為認 宣公 生人 长一 納無倦是乃總天下之智以 12



陸宣公集 開諫諍之門通壅鬱之情弘採拔之道自獻答奏追 奉的問尋具上陳請延羣臣稍與親接廣咨訪之路 缺於周防承順之規是亦忠於陛下一至之分也前 儒尊慕仁義荷陛下知已之遇感陛下思理之誠愚 臣某言賊此逋誅尚完官禁陛下思念宗廟痛傷黎 元仁孝交感至於憤激根以急務下詢微臣臣雖 於付量但務竭盡恐由解理蹇拙不能暢達事情樓 所懷承問斬發不以淺深自接不以喜怒上虞誠 彌旬不聞施行不賜酬詰未審宸旨以為何 奉天論前所答奏未施行狀 卷十 叶 如味 鄙

者莫深於易象其別卦也乾下坤上則曰泰坤下 萬 熡 乎得眾得眾之要在乎見情故仲尼以謂人情者聖 為損乾為天為君坤為地為臣天在 王之田言理道所由生也是則時之否泰事之損益 位乖矣而反謂之泰者上下交故也君在上而臣 損益生通天下之情者莫智於聖人盡聖人之心 効之心態態而不能自止者也臣聞立國之本 血誠 化所繫必因人情情有通塞故否泰生情有薄 則曰否其取象也損上益下則曰益損下益上 敢願披歷頻煩贖冒豈不輕惶蓋大馬感思 下而地處上 則 在 乾

益 騰然後歲功成君澤下流臣誠上達然後 則 危是 矣豈不謂之損乎然則上下交而泰不交而否 矣豈不謂之益乎上蔑人 舟喻人為 庶物不育情不交則萬邦不和天氣下降地 於義順矣而反謂之否者上下不交故也氣不 人益 之義亦由 宣 舟順水之道乃浮違 以古先聖王之居人上也必以其心從 心 自益者人損情之得失豈容易哉故喻君 熊 水水能載 是馬上約已而裕於人人必 悉 十 舟亦能覆舟舟 則沒君得人之情 而肆諸已人必怨而 即君道水 <del>竹</del> %而 理道立 乃固失 即 奉 氣 自 叛 損 損 則

諫靡不固遠賢恥過靡不危故詩書稱堯德則曰稽 意宣意以言言或是非莫若考於有跡跡或成敗莫 不得不精也危則覆舟之戒不得不畏也夫換物以 于衆捨已從人數舜之功則曰明四目達四聽言 其情歟書曰人心惟危道心惟微微則萬幾之慮 驗於已行自昔王業盛衰君道得失史冊盡在 猶慎事之微乃至一日萬慮豈不以居上接下 日萬幾夫幾者事之微也以聖人之德天子之 而不敢以天下之人從其欲乃至兢兢業業 可徵與衆同欲靡不興違衆自用靡不廢從善 懼 E

明 湯 雜德言違衆也詩曰汝忽然于中 無老成人 代之衰也則道亦反焉故書曰紂有億兆夷人雜 則 歌 同 以成功是則德益盛者慮益微功愈高者意愈下 爾德時無背無側 此 欲 日亂臣十人 也 六君者天下之盛王也莫不從諫以輔德詢衆 か能 作 以主 序禹之所由 尚有典刑曾是莫聽大命以傾言遠賢 周則曰濟濟多士文王以寧美武王尅 則曰用人惟已改過不吝言能納諫也 同心同德言皆從善也堯舜禹湯 冬上 興則 爾德不明以 日益贊于禹禹拜昌言 無陪無卿 國 斂怨以為德 又曰 雖

敗 盛 迹 同 乎粤自秦漢監于周隋其間將歷千祀代興者 鑒盛 趣 得衆必成與堯舜禹湯同務者必興與禁 繼覆者非一君 報應以類影響不差胡可不則而象之敬 則功多甚同於惡 肺 日謂 ドトノノを 者必覆全失衆則全敗全得衆則全成 腸 諫辯足 **俾人則狂言自** 衰於已驗之符孰失道而不衰孰得理而 人莫己若者亡詩日惟彼 いは節 雖所遇殊時所 則禍甚善惡從類端 非言 用 恥過 也前史數禁約之惡 也考得失於已行 為異迹然失衆 不慎自 獨俚臧 如貫珠 多同 約 而畏 幽 非 厲 强 必 自

異事異臣請復為陛 敗象行明若觀火此歷代之元龜也尚恐議者 生写いま 慮風 情 猶 功被於九歌 致太平威行如雷霆明照侔 太宗文皇帝以天縱之才有神器之重武定禍 每言及 與衆共之 兢兢畏慎懼失人心每戒臣下獻規恒以危亡 興聽 訪謀飲 暗主 理 詢求過關或論往 固非庶品之所度量常情 日旰忘勞公卿迭趨庭奏庶務評 下無滞情上 一亂 朝 下粗舉近 則省懼自戒言及賢君 無私斷 効之尤章章者 日月英略施於百 古成敗或問 退 朝 之暇宴 2 所鑽 アス 務 間 仰 劑

遣諫官俱入小有頗失隨即箴規得一善必遽命 言及問間疾苦則君臣同處議息征徭懋德繼違觸 引文學之流更直宿於內署或講求典禮或諷誦詩 類滋長尚恐過言謬舉既往難追每名宰相平章 則企竦思齊言及稼穑艱難則上下相臣務遵勤儉 每至夜分情忘厭倦夫以太宗之德美貞觀之理 以為有貞觀之風兼賴遺澤在人先範垂裕幸無 日而不接乎高宗始年亦親聽納故當時翕然歸 且猶務得人心其勤若此是則人心之於理道 一諫必明加褒錫故得時無關事人樂輸誠

遠中宮之威柄潜移卒有嗣聖臨朝天授革命豈不 倦勤之意頗彰燕居益深接下 諫尊用舊老採拔羣才大臣不敢壅下情私呢不敢 狎 明不達元宗躬定大難手振宏綱開懷納忠克已從 干公議朝清道泰垂三十年謂化 經邦之道闕疇咨於大飲宴安之懷弱偏信於近 作俗以阜康數十年間 制致禍變幾將傾邦雖亂匪自他然其失 フラート 靡餘風遂流記神龍景雲之間皆嬖俸亂朝 娱漸廣憂勤之志稍衰侈心 是十 天下無事承平之業滋 彌簡前哲之耿光浸 已行謂安可保 萌那 可 道並進貪 也也 耳

蒙曾莫之省日務遊宴方謂有無疆之休大盗 穆清上军養威於廊廟議曹以頌美為奉職法吏以 誕騰東有謹言切諫者謂之誹謗邀名至尊收視於 則 發滋甚舉天下如居積薪之上人人 懼焚而朝廷相 望外龍持竊國之勢內龍擅迴天之語禍機熾然飲 心甘諛詐之從欲漸漬不聞其失以至於大失者乎 至今為梗豈不以忽於戒備逸於居安憚忠骾之佛 旨為當官司府以厚毅為公忠權門以多路為問 日時已太平矣胡不為樂有深謀遠慮者謂之迁 竊柄者則曰德如堯舜矣焉用勞神承意趣媚者 美一二

宗招延詢謀輟食廢寢洞啓誠腑推心與人豁披胷 為然於紫宸聽朝常限三人奏事亦宣諭德令課責 雖時繼艱屯而眾不離析 皇帝繼守恭勤而益之以 襟忘已應物故得來蘇之望允塞配天之業勃與先 肅宗懲致寇之由蘊撥亂之略虚受廣納同符乎太 諫雖未從且不深忤情苟有阻終獲上通故君臣 侍臣或賞其盡規或讓以容點性本仁恕事多含 一而人 籍物表慣習俗以妨理任削平而在躬以 三八八年下 亦小息陛下英姿逸群邁絕人倫武略雄 关 和惠惠則有感和則有 理尚寬大務因循 明威 而重 弘 親 船 相 圖

意 臨 西 密 墀 居 臣 乖 勿論 未當降旨 慮欺誕故睿誠不布 宣 之間 往 逃 别 XX 嚴 是人 年曾任 死之亂 1 延宰輔 法制 身 已行者又謂之遂 且未相論宇宙 情 各隱情以言為諱至於變亂將 作近者畏備而偷容避罪之 斷流獎自久浚 御史獲奉 臨 既殊 隔君務致理而下防誅夷臣將納 問羣臣跼 師錫且 为 之廣何、 朝謁 於羣物物情不達於睿 事 異公言 踏趨退亦不列事奏陳 恒太深遠者驚疑而 僅欲半年陛下嚴邃 不 由自 諫漸生 未行者 通 雖復 一拘礙 態生 則戒 起億兆 動涉 例 聰 忠 君 對 アノ 使 髙 軒 阻

宗 所親驗往時之所聞孰真熟虚 塞備詳之矣人之情偽盡知之矣烈聖升降之 殆 乎自賢善始本乎憂勤失全萌乎安泰今陛下 中 悔禍徼福去危從安若不循太宗創業之 於失人裕於愈詣蔽於偏信濟美因乎納 如彼當今理亂之由昭 與之 以字 德音訪及庸鄙敢 理鑒天寶致亂之 聖懷彰令問新遠 然 不知方謂太平 美 緣 昭 私議 所以懲合者遷幸之 如此未有不與於得 何得 通之聽歸反側 輒 致 何 陛下以今 ナヤ アス 獻聞 則 規龍家 自 諫 事 虧 効 爾 之 2 日 衆 通 德

	2 600	
唐陸宣公集卷第十二	言	見不勝愚誠懇款謹復布露以聞臣某惶怖死罪謹來反覆一慮愚智有分信非可移至今拳拳猶滯所

